


बच्चन के ले बाइबिल
देत है

राजा दाउद
(भाग २)



द्वारा लिखत: Edward Hughes

द्वारा चित्र: Lazarus
Alastair Paterson

द्वारा अनुकूल: Ruth Klassen

द्वारा अनुवाद करो गयो:

द्वारा बनाओ: Bible for Children
www.M1914.org

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



दाउद दक्खिन इस्राएल मा, यहूदा
को राजा हतो। लेकिन इस्राएल
के बाकी भागन मा शाउल को
लडिका ईशबोशेत ने, राजा
के रूप मा अगुवाई करी।


सात साल के लै मन
मुटाव के संग लड़ाई
चलती रही,
लेकिन दाउद
दिन प्रति दिन
मजबूत अउरु
मजबूत होति
चलो गओ।




आखिर मा राजा ईशबोशेत का बाई के
दुई सिपाहिन ने मारी डारो हतो।




फिरि इस्राएल के सबई कुल के लोग दाउद के तीर आये अउरु बाई पूरे इस्राएल पर राजा घोशित करि दौ। लम्बे समय तक, दाउदइ पूरे देश को राजा हतो।



राजा दाउद ने सबसे पहिले यरूशलेम पर कब्ज़ा करो। जऊ नगरु दाउद के नाउ से जानो गओ हतो। बाने जाई दुश्मुनन के बिरोध मा एक मजबूत किला के रूप मा बनाओ हतो। यरूशलेम से, दाउद की फ़ौज पलिश्तिअन अउरु इस्राएल के दुसरे दुश्मुनन पर जीति हासिल कन्न के लै गई।





जाके बादि, राजा दाउद ने
परमेश्वर के संदूक कौ
यरूशलेम मा लइके आओ।
परमेश्वर के संदूक मा
परमेश्वर के द्वारा मूसा कौ दै
भै दस हुकुम अउरु दुसरे
कानूनन की नकलइं धरी
हतीं। संदूकु इस्राएलिअन के
परमेश्वर की पवित्रता अउरु
बाके हुकुमन कौ मनिवे के
बारे मा यादि दिवाउति हतो।



दाउद कौ अपने शासनकाल के
शुरुआति के सालन मा बहुतेरी
जंगइं लड़न परी हतीं। बउ एकु
हुशियारु सिपाही अउरु एकु बहुतइ
नम्र स्वाभउ को आदिमी हतो जो
परमेश्वर की अगुबाई के लै दुआ
कत्ति रहति हतो।





दाउद हैरान हतो क्योंकि
बाके रहिवे के लै एकु बढिया
किला हतो लेकिन परमेश्वर
को संदूकु अभऊं एक तम्बुअई
मा धरो हतो। दाउद ने एकु
मंदिरू बनइवे को निर्णय
करो। नातान, परमेश्वर के
भविष्यवक्ता ने, पूरो
कन्न की राय दर्ई।





बाई राति, मा परमेश्वर ने दाउद के लै एक खबरि पठई। “मेरे सेवक दाउद, यहोवा अपने आपइ तुमसे

एकु घरु बनबहीं। जब तुई

अपने दिनन कौ पूरो करि के, अपने

पुरिखन के संग मा जाइ मिलिही, तब हम तेरे बादि तेरी औलादि कौ राजा के रूप मा नियुक्त करिहैं। बउ मेरे नाम के लै मंदिरु बनबई अउरु हम हमेशा के लै राज गद्दी बाइ कौ दई दिहीं।”



दाउद शाउल के कुटुंब के बच्चे किसहू आदिमी की मदति करिबो
चांहति हतो। केवल योनातान को लड़िका मपीबोशेत मिलो, लेकिन
बउ एक लूला, अपाहिज हतो। दाउद ने कही, “बउ एक राजा के
लड़िकन के जैसे मेरी मेज पर खइही पिहि करे।”



योनातान बाको सबसे बढ़िया मित्र
हतो इसइ लै दाउद ने मपीबोशेत
के ऊपर तस्सु खाओ।



जब तक दाउद ने परमेश्वर पर भरोसो करो अउरु
बाके हुकुमन कौ मानो परमेश्वर ने सुख शान्ति के लै
दाउद की भरपूर मदति करी। लेकिन एक दिन,
एक भयानक आफति दाउद की जिन्दगी
मा आई। बउ यरूशलेम मा रुकि गओ,
जबकि अपनी सेना कौ लड़ाई के लै
बहिरारि पठइ दौ। एक राति, बउ
सोई नाइ पाइ रहो हतो। इस लै बउ
अपनी छत्ति के उपर चलो गौ
अउरु शहर कौ देखन लगो।



दाऊद ने एक बहुत सुन्दर अउरु त
नहाति देखी। बाको नाउ बतशेबा हतो।
दाउद ने बेतशेबा के संग पाप करो, हिँआ
तक की बाके आदिमी ऊरियाह, जो
दाऊद के बहादुर सैनिकन मा से एक
हतो। जब बतशेबा ने बादि मा दाउद कौ
बताई की बा बच्चा पइदा कन्न जाइ रही
हइ, दाऊद ने जान लई की बाको पाप
जादा मुसीबतइं लाऊन बालो हइ।





परमेश्वर से मांफी मंगन की जगह, दाउद ने अपने पाप कौ डुकाउन की कोसति करी। जामा कमयाबी नाइ मिली! बाने लड़ाई के इलाका मा से ऊरिय्याह कौ बुलाओ, जा उम्मीद से की आउन बालो बच्चा बाको हइ। लेकिन ऊरिय्याह अपने सैनिकन कौ लड़ाई मा छोड़ि के नाइ गौ। ऊरिय्याह राजा के घर के मोहरा पर सोई गओ।



तब दाउद ने बासेउ जादा
घटिया एकु कामु करो। बाने
एक पत्र के संग लड़ाई के
मइदान के लै बापिस
ऊरिय्याह कौ पठइ दौ। पत्र
मा सेनापति कौ बताई गयी
हती कि उरिय्याह कौ लड़ाई
मा शहीद ही करबइबे हइ।
जब ऊरिय्याह मारि डारो
गओ, दाउद ने बतशेबा कौ
अपनी दुलहिन होन के लै
बुलाई लौ।





परमेश्वर ने दाउद कौ
जउ पापु दिखाउन के लै
बाके सेवक नातान कौ
पठौ। नातान ने दाउद कौ
बहुतु अमीर अउरु बहुतु
गरीब की कहानी सुनाई।
अमीर आदिमी के सैकड़न
भेड़इं हती, लेकिन गरीब
आदिमी के तीर केवल
छोटो सो भेड़ को बच्चा
हतो, जो बाके तीर एक
कीमती बिटिया की
किसी हतो।



जब एक यात्री एक अमीर आदिमी के घरइ गओ, अमीर आदिमी ने बाई खबाउन के लै एकउ भेड़ कौ नाइ काटो। जाकी जगह पर, बाने गरीब आदिमी की भेड़ को बच्चा मारि डारो।






दाउद एक अमीर आदिमी के
स्वार्थ के लै गुस्सा हतो। बाने
कही, “जिस आदिमी ने
अइसो करो हइ बउ जरुर
मरि जइही” बउ चिल्लानो।



“बउ आदिमी तुम हउ!” बहादुर नातान ने दाउद कौ बताई। दाउद ने जो करो हतो बउ कहानी के अमीर आदिमी की करतूतनउ से जादा गंदो हतो।





परमेश्वर ने जा दिखाई कि दाउद कइसे दुष्ट हुई गौ हतो। तब दाऊद ने अपने पापन के लै माफ़ी मांगी। बाने परमेश्वर से कही: “हमने जा गंदे पाप कौ तुमारे खिलाप करो हइ।” अउरु परमेश्वर ने दाउद के पाप कौ माफ़ करि दौ। लेकिन बतशेबा को लड़िका बहुत बीमार हतो, अउरु जल्दीअइ पइदा होन के बादि मरि गओ।



परमेश्वर ने दाउद के जा बड़े पाप की सजा के लै माफ़ी दइ। बतशेबा के बादि मा एक अउरु लड़िका भौ, बाको नाउ सुलेमान हतो, जो दाउद के बादि मा एकु बड़ो महान राजा बनन बालो हतो। लेकिन राजा दाऊद के अउरु बच्चा भै, जिनमा से कछु बा पर बड़े दुःख लाये।



राजा दाउद (भाग २)

परमेश्वर के वचन से बाइबिल की एक कहानी

में पायी जाती है

२ शमूएल १- १२

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन के लिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

